

সূচিপত্র

ভূমিকা : ০৭

মানুষের অনুভূতির প্রতি লক্ষ রাখা : ০৯

মানুষের অনুভূতির প্রতি লক্ষ রাখার কিছু বাস্তব চিত্র : ১৬

প্রথমত, মজলিশে মুসলিমের অনুভূতির
প্রতি লক্ষ রাখা : ১৬

দ্বিতীয়ত, মেহমানদারির ক্ষেত্রে মুসলিমদের
অনুভূতির প্রতি লক্ষ রাখা : ৩২

তৃতীয়ত, শিক্ষাদানের ক্ষেত্রে অপরের
অনুভূতির প্রতি লক্ষ রাখা : ৫০

চতুর্থত, অভাবীদের অনুভূতির প্রতি খেয়াল করা : ৬১

পঞ্চমত, যে কল্যাণকর কাজের ইচ্ছা
করেছে, তার অনুভূতির প্রতি লক্ষ রাখা : ৬৯

ষষ্ঠত, রোগাক্রান্ত বা এ ধরনের লোকদের
অনুভূতির প্রতি লক্ষ রাখা : ৭৬

সপ্তমত, খাদিম ও ছোটদের অনুভূতির
প্রতি লক্ষ রাখা : ৮৪

অষ্টমত, ভুলের ক্ষেত্রে মানুষের অনুভূতির
প্রতি লক্ষ রাখা : ৯১

নবমত, যে ব্যক্তি কোনো পেরেশানি, ফ্রোধ বা দুশ্চিত্তার
শিকার, তার অনুভূতির প্রতি লক্ষ রাখা ॥ ১০১

দশমত, বিক্ষিপ্ত কিছু বিষয়ে অপরের অনুভূতির
প্রতি লক্ষ রাখা ॥ ১১১

পরিশিষ্ট ॥ ১২৪

بِسْمِ اللَّهِ الرَّحْمَنِ الرَّحِيمِ

জুমিকা

الحمد لله رب العالمين، والصلاة والسلام على أشرف الأنبياء
والمرسلين نبينا محمد وعلى آله وصحبه أجمعين.

ইসলাম মানুষের সাথে ভালো আচরণ এবং তাদের সাথে কোমলতার প্রতি আহ্বান করে। ইসলামের সুমহান নীতি ও আদর্শ মানুষের অনুভূতি ও চিন্তাধারার প্রতি লক্ষ রাখার কথা বলে। এ কারণেই তো প্রতিটি সদস্যের মাঝে সামষ্টিক সম্পর্কের ব্যাপারে ইসলাম গুরুত্ব দিয়েছে এবং তাদের দায়িত্ব ও কর্তব্যগুলো স্পষ্ট করে দিয়েছে। উত্তম আচরণ ও বিভিন্ন পরিস্থিতিতে উত্তম ভাষা নির্বাচনের আদেশ করেছে। যেমন আল্লাহ তাআলা বলেন :

وَقُولُوا لِلنَّاسِ حُسْنًا

‘আর মানুষের সাথে ভালো কথা বলবে।’^১

আল্লাহ তাআলা এটিকে সেই হিকমতের অন্তর্ভুক্ত করেছেন—যাকে তা দেওয়া হয়েছে, তাকে অনেক কল্যাণ দান করা হয়েছে। পক্ষান্তরে কঠোরতা ও রুচতা এবং কায়কারবারে অবহেলা ও অন্যদের কষ্ট প্রদানের ব্যাপারে সতর্ক করা হয়েছে।

১. সূরা আল-বাকারা, ২ : ৮৬।

এই কিতাবে কিতাবুল্লাহ, রাসুল ﷺ-এর সুন্নাহ ও সালাফে সালিহিন থেকে বর্ণিত কিছু বিষয় তুলে ধরা হয়েছে।

আমরা আল্লাহ তাআলার কাছে উপকারী ইলম, নেক আমল এবং তাঁর পছন্দনীয় ও সন্তুষ্টিজনক বিষয়ে তাওফিক প্রার্থনা করছি। সালাত ও সালাম বর্ষিত হোক তাঁর বান্দা ও রাসুল আমাদের প্রিয় নবি মুহাম্মাদ ﷺ-এর ওপর এবং তাঁর পরিবার-পরিজন ও সঙ্গী-সাথীদের ওপর।

- শাইখ মুহাম্মাদ সালেহ আল-মুনাজ্জিদ

মানুষের অনুভূতির প্রতি লক্ষ রাখা

নবিদের চারিত্রিক গুণাবলির মাঝে অন্যতম হলো, মানুষের অনুভূতির প্রতি লক্ষ রাখা। যেমন আল্লাহ তাআলা তাঁর নবি ﷺ-কে বলেন :

فِيمَا رَحْمَةٍ مِنَ اللَّهِ لَئْتَ لَهُمْ وَلَوْ كُنْتَ فَظًّا غَلِيظَ الْقَلْبِ
لَانْفَضُّوا مِنْ حَوْلِكَ فَاعْفُ عَنْهُمْ وَاسْتَغْفِرْ لَهُمْ وَشَاوِرْهُمْ فِي
الْأَمْرِ فَإِذَا عَزَمْتَ فَتَوَكَّلْ عَلَى اللَّهِ إِنَّ اللَّهَ يُحِبُّ الْمُتَوَكِّلِينَ

‘আল্লাহর রহমতেই আপনি তাদের জন্য কোমল হৃদয় হয়েছেন। পক্ষান্তরে আপনি যদি রুঢ় ও কঠিন হৃদয় হতেন, তাহলে তারা আপনার কাছ থেকে বিচ্ছিন্ন হয়ে যেত। কাজেই আপনি তাদের ক্ষমা করে দিন এবং তাদের জন্য মাগফিরাত কামনা করুন এবং কাজে-কর্মে তাদের সাথে পরামর্শ করুন। অতঃপর যখন কোনো কাজের সিদ্ধান্ত গ্রহণ করে ফেলেন, তখন আল্লাহর ওপর ভরসা করুন। নিশ্চয় আল্লাহ তাওয়াক্কুলকারীদের ভালোবাসেন।’^২

আল-কাসিমি ﷺ বলেন :

‘(فِيمَا رَحْمَةٍ مِنَ اللَّهِ لَئْتَ لَهُمْ) “আল্লাহর রহমতেই আপনি তাদের জন্য কোমল হৃদয় হয়েছেন।” অর্থাৎ সকল মুমিনের জন্য; যেমন আল্লাহ সুবহানাছ ওয়া তাআলা বলেন

২. সুরা আলি ইমরান, ৩ : ১৫৯।

: بِالْمُؤْمِنِينَ رِءُوفٌ رَحِيمٌ) “মুমিনদের প্রতি তিনি স্নেহশীল দয়াময়।”^৩



(وَلَوْ كُنْتَ فَظًّا) “যদি আপনি রুঢ় হতেন।” অর্থাৎ মন্দ চরিত্র ও শক্ত কথার অধিকারী হতেন। (غَلِيظَ الْقَلْبِ) “কঠিন হৃদয়ের অধিকারী” অর্থাৎ শক্ত ও কঠিন হৃদয়ের অধিকারী। তাদের সাথে কঠোর রুঢ় আচরণ করা। (لَا تَفْضُوا) তথা তারা বিচ্ছিন্ন হয়ে যেত। (مِنْ حَوْلِكَ) “আপনার কাছ থেকে।” ফলে আপনার কাছে তারা প্রশান্তি পেত না। আর আপনার দাওয়াতও পূর্ণতা পেত না। কিন্তু আল্লাহ তাআলা আপনাকে সহজ, সুমহান, হাস্যোজ্জ্বল, কোমল, সুহৃদয়, নেককার, স্নেহশীল ও দয়াময় হিসেবে সৃষ্টি করেছেন। (فَاعْفُ عَنْهُمْ) “কাজেই আপনি তাদের ক্ষমা করে দিন।” অর্থাৎ আপনার অধিকারের ক্ষেত্রে তারা যে সীমালঙ্ঘন করেছে, তা আপনি ক্ষমা করে দিন, যেমন আল্লাহ তাদের ক্ষমা করে দিয়েছেন। (وَاسْتَغْفِرْ لَهُمْ) “এবং তাদের জন্য ক্ষমা প্রার্থনা করুন।” তাদের প্রতি দয়ার পূর্ণতা প্রদান হিসেবে। (وَشَاوِرْهُمْ فِي) (الْأُمْرِ) “এবং কাজে-কর্মে তাদের সাথে পরামর্শ করুন।” অর্থাৎ তাদের প্রতি ভালোবাসা দেখিয়ে, তাদের অন্তরের প্রশান্তিস্বরূপ এবং তাদের মতামত প্রকাশ করার অধিকার দিয়ে আপনি তাদের সাথে যুদ্ধ ও অন্যান্য বিষয়ে পরামর্শ করুন।... জনৈক তাফসিরকারক বলেন, “আয়াতের ফলাফল হলো, উত্তম চরিত্রকে আঁকড়ে ধরা আবশ্যিক।

৩. সূরা আত-তাওবা, ৯ : ১২৮।

বিশেষ করে যারা আল্লাহ তাআলার দিকে দাওয়াত দেবেন এবং সৎকাজের আদেশ করবেন তাদের জন্য।”^৪

ইমাম আস-সাদি  বলেন :

‘...দ্বীনি ক্ষেত্রে নেতার উত্তম চরিত্র মানুষকে আল্লাহর দ্বীনের দিকে আকৃষ্ট করে এবং বিশেষ প্রশংসা ও বিশেষ সাওয়াবের সাথে সাথে তাদেরকে তার প্রতি অনুপ্রাণিত করে। আর দ্বীনি ক্ষেত্রে নেতার মন্দ চরিত্র মানুষকে নিন্দা ও বিশেষ শাস্তির সাথে সাথে তার প্রতি ঘৃণা সৃষ্টি করে দেয়। এই নিষ্পাপ রাসুলের ব্যাপারে আল্লাহ তাআলা যা বলার বলেছেন। তাহলে অন্যদের ক্ষেত্রে কী হবে? এটি কি সবচেয়ে বড় আবশ্যিকীয় ও গুরুত্বপূর্ণ বিষয় নয় যে, তাঁর মহান চরিত্রের অনুসরণ করা হবে? তিনি আল্লাহর আদেশের ওপর আমল করে এবং আল্লাহর বান্দাদেরকে দ্বীনের প্রতি আকৃষ্ট করতে মানুষের সাথে যে কোমল ভাষা ও উত্তম আচরণ করেছেন, সে অনুযায়ী তাদের সাথে আচরণ করা হবে?’^৫

সকল নবির চারিত্রিক গুণাবলি আমাদের নবি -এর অনুরূপই পাই। যেমন আল্লাহর নবি ইউসুফ -এর ভাইদের ব্যাপারে তাঁর অবস্থান দেখতে পাই, যখন তারা নিজেদের অপরাধের স্বীকারোক্তি দিয়ে বলেছিল :

৪. তাফসিরুল কাসিমি : ৪/২৭৬।

৫. তাফসিরুল সাদি : ১৫৪।

تَاللّٰهِ لَقَدْ آتَرَكَ اللّٰهُ عَلَيْنَا وَإِنْ كُنَّا لَخٰطِئِيْنَ

‘আল্লাহর কসম, অবশ্যই আল্লাহ তোমাকে আমাদের ওপর শ্রেষ্ঠত্ব দিয়েছেন এবং নিশ্চয় আমরা অপরাধী ছিলাম।’^৬

আল্লাহ তাআলা তাঁকে ক্ষমতা দান করার পর যখন তাঁর পরিবার তাঁর কাছে জড়ো হলো, তখন তিনি তাদের অভিনন্দন জানিয়েছিলেন এবং খুব দ্রুত (এমন হয়েছে যে,) :

وَرَفَعَ أَبْوَيْهِ عَلَى الْعَرْشِ وَخَرُّوا لَهُ سُجَّدًا ۖ وَقَالَ يَا أَبَتِ هَذَا تَأْوِيلُ رُؤْيَايَ مِنْ قَبْلُ قَدْ جَعَلَهَا رَبِّي حَقًّا ۖ وَقَدْ أَحْسَنَ بِي إِذْ أَخْرَجَنِي مِنَ السِّجْنِ وَجَاءَ بِكُمْ مِنَ الْبَدْوِ مِنْ بَعْدِ أَنْ نَزَغَ الشَّيْطَانُ بَيْنِي وَبَيْنَ إِخْوَتِي ۚ إِنَّ رَبِّي لَطِيفٌ لِّمَا يَشَاءُ ۚ إِنَّهُ هُوَ الْعَلِيمُ الْحَكِيمُ

‘আর তিনি তার পিতামাতাকে সিংহাসনের ওপর বসালেন এবং তারা সবাই তার সামনে সিজদাবনত হলো। তিনি বললেন, “পিতা, এ হচ্ছে আমার ইতিপূর্বেকার স্বপ্নের বর্ণনা, আমার পালনকর্তা একে সত্যে পরিণত করেছেন এবং তিনি আমার প্রতি অনুগ্রহ করেছেন। আমাকে জেল থেকে বের করেছেন এবং আপনাদেরকে গ্রাম থেকে নিয়ে

৬. সূরা ইউসুফ, ১২ : ৯১।

এসেছেন, শয়তান আমার ও আমার ভাইদের মধ্যে কলহ সৃষ্টি করে দেওয়ার পর। আমার পালনকর্তা যা ইচ্ছা করেন, তা সুস্থ উপায়ে বাস্তবায়ন করে থাকেন। নিশ্চয় তিনি সর্বজ্ঞ, প্রজ্ঞাময়।’^৭

ইবনুল কাইয়িম  বলেন :

‘এখানে তিনি এ কথা বলেননি যে, আল্লাহ আমাকে কূপ থেকে বের করেছেন; এটি করেছেন ভাইদের প্রতি আদব রক্ষা এবং তাদের প্রতি এই ইহসান করার জন্য যে, তিনি কূপে নিষ্ক্ষেপের মাঝে যা হয়েছে, তার মাধ্যমে তাদের লজ্জিত করেননি। তিনি বলেন, (وَجَاءَ بِكُمْ مِنَ الْبَدْوِ) “এবং আপনাদেরকে গ্রাম থেকে নিয়ে এসেছেন।” তিনি আদবের প্রতি লক্ষ রেখে এ কথা বলেননি যে, ক্ষুধা ও প্রয়োজনের তীব্রতা তোমাদের নিয়ে এসেছে। তিনি এখানে যা ঘটেছে, তার কারণটি শয়তানের দিকে সম্পৃক্ত করেছেন, সরাসরি তাদের দিকে সম্পৃক্ত করেননি; যদিও সরাসরি ক্রিয়া সম্পাদনকারী কারণ হিসেবে উল্লেখ হওয়ার অধিক নিকটবর্তী। তিনি বলেছেন, (مِنْ بَعْدِ أَنْ نَزَعَ الشَّيْطَانُ بَيْنِي) (وَبَيْنَ إِخْوَتِي) “শয়তান আমার ও আমার ভাইদের মধ্যে কলহ সৃষ্টি করে দেওয়ার পর।” তিনি উদারতা, দয়া এবং আদবের হক আদায় করেছিলেন। এ ধরনের পরিপূর্ণ গুণ

৭. সুরা ইউসুফ, ১২ : ১০০।

শুধু নবি-রাসুলগণই অর্জন করতে পারেন। আল্লাহ তাআলা তাঁদের ওপর শান্তি ও রহমত বর্ষণ করুন।^৮

ইমাম সাদি رحمته الله বলেন :

‘এটি ইউসুফ عليه السلام-এর উদারতা এবং সুন্দর সম্বোধনের অংশ যে, তিনি জেলের অবস্থা তুলে ধরেছেন; কিন্তু কূপে নিষ্ক্ষেপের অবস্থার কথা বলেননি। কারণ, তিনি তাঁর ভাইদের পরিপূর্ণ ক্ষমা করে দিয়েছিলেন। তাই তিনি আর সে অপরাধের কথা আলোচনা করেননি। আর গ্রাম থেকে তোমাদের এখানে আসা আমার প্রতি আল্লাহ তাআলার করুণা। ফলে তিনি বলেননি, ক্ষুধা ও ক্লান্তি তোমাদের নিয়ে এসেছে। এ কথাও বলেননি যে, আমি তোমাদের প্রতি অনুগ্রহ করেছি। বরং তিনি বলেছেন, (أَحْسَنَ بِي) “তিনি আমার প্রতি অনুগ্রহ করেছেন।” অনুগ্রহ-দানকে তিনি আল্লাহর দিকে সম্পৃক্ত করেছেন। কতই না মহান সে সত্তা, যিনি নিজ বান্দাদের থেকে যাকে চান, নিজের রহমতের মাধ্যমে বিশেষায়িত করেন। (مِنْ بَعْدِ أَنْ نَزَّغَ) (الشَّيْطَانَ بَيْنِي وَبَيْنَ إِخْوَتِي) “শয়তান আমার ও আমার ভাইদের মধ্যে কলহ সৃষ্টি করে দেওয়ার পর।” তিনি এ কথা বলেননি যে, আমার ভাইদেরকে শয়তান পথভ্রষ্ট করেছে। বরং তিনি অপরাধ ও অজ্ঞতাকে উভয় দিকেই সম্পৃক্ত করেছেন।^৯

৮. মাদারিজুস সাগিকিন : ২/৩৮০-৩৮১ (ঈষৎ পরিবর্তিত)।

৯. তাফসিরুস সাদি : ৪০৫।

সম্মানিতের ছেলে সম্মানিতের ছেলে সম্মানিতের ছেলে সম্মানিত নবি ﷺ-এর এই মহান অবস্থান আমাদের সামনে নবি-রাসুল এবং আল্লাহর বিশেষ নির্বাচিত বান্দাদের সুমহান চরিত্রের বিশালতা বর্ণনা করে দেয়। হে আল্লাহ, আমাদেরকে আপনার এ কথা বাস্তবায়নস্বরূপ তাঁদের অনুসরণের তাওফিক দান করুন :

أُولَئِكَ الَّذِينَ هَدَى اللَّهُ فَبِهِدَاهُمْ أَقْتَدَهُ

‘এঁরাই তাঁরা, যাঁদেরকে আল্লাহ সৎপথে পরিচালিত করেছেন। সুতরাং তুমি তাঁদের পথনির্দেশনা অনুসরণ করো।’^{১০}

১০. সূরা আল-আনআম, ৬ : ৯০।

মানুষের অনুভূতির প্রতি লক্ষ রাখার কিছু বাস্তব চিত্র

ইসলাম মানুষের অনুভূতি, তাদের অবস্থা ও মানসিকতার হিফাজতকে অনেক গুরুত্ব দিয়েছে। নবিজি ﷺ-এর নিম্নে বর্ণিত সুন্নাতসমূহে এই গুরুত্বের বিষয়টি চমৎকারভাবে ফুটে উঠেছে :

প্রথমত, মজলিশে মুসলিমের অনুভূতির প্রতি লক্ষ রাখা

১. মজলিশে বসে চুপে চুপে আলাপকারী বা আলোচনাকারীদের অনুভূতির প্রতি লক্ষ রাখা

ইসলামি শিষ্টাচারসমূহের একটি হলো, যখন কোথাও দুই বা ততোধিক ব্যক্তি মিলে বসে আলোচনা করে, তখন সেখানে অন্য কেউ প্রবেশ করতে হলে অনুমতি নিয়ে প্রবেশ করবে; কারণ, আলোচনাকারীদের কোনো গোপন কথা থাকতে পারে, যা আগন্তুককে জানানো তাদের পছন্দনীয় নয় অথবা তার কারণে হয়তো তারা চুপ হয়ে যেতে বা কথার প্রসঙ্গ পরিবর্তন করতে বাধ্য হবে। ফলে তার অনুপ্রবেশ তাদের জন্য কষ্টকর হবে। এখানে প্রবেশের উপযুক্ত শিষ্টাচার হলো, অনুমতি নেওয়া; যাতে এর মাধ্যমে তারা প্রশান্তি লাভ করতে পারে এবং তার আগমানে আনন্দিত হয়।

সাইদ আল-মাকবুরি رضي الله عنه থেকে বর্ণিত, তিনি বলেন, ‘ইবনে উমর رضي الله عنه জনৈক লোকের সাথে কথা বলছিলেন। এমন সময় আমি তাঁদের মাঝে প্রবেশ করলাম। তখন তিনি আমার বুকে আঘাত করে বললেন, “তুমি কি জানো না যে, রাসুল ﷺ বলেছেন :

إِذَا تَنَاجَى اثْنَانِ فَلَا تَجْلِسُ إِلَيْهِمَا حَتَّى تَسْتَأْذِنَهُمَا

“যখন দুজন ব্যক্তি একান্তে কথা বলবে, তখন তাদের নিকট বসবে না; যতক্ষণ না তাদের অনুমতি নাও।”^{১১}

এর কাছাকাছি আরেকটি আদব হলো, পাশাপাশি উপবিষ্ট দুই ব্যক্তির মাঝে তাদের অনুমতি ব্যতীত পার্থক্য করবে না। আব্দুল্লাহ বিন উমর رضي الله عنه থেকে বর্ণিত, নবিজি ﷺ বলেছেন :

لَا يَحِلُّ لِلرَّجُلِ أَنْ يُفَرِّقَ بَيْنَ اثْنَيْنِ إِلَّا بِإِذْنِهِمَا

‘কারও জন্য দুই ব্যক্তির মাঝে তাদের অনুমতি ব্যতীত পার্থক্য করা বৈধ হবে না।’^{১২}

‘(بَيْنَ اثْنَيْنِ) অর্থাৎ তাদের দুজনের মাঝে বসে পার্থক্য করবে না।

১১. মুসনাদু আহমাদ : ৫৯৪৯।

১২. সুনানুত তিরমিজি : ২৭৫২।

(إِلَّا بِإِذْنِهِمَا) তাদের অনুমতি ব্যতীত; কারণ, অনেক সময় তাদের মাঝে মহব্বত ও হৃদয়তা থাকতে পারে অথবা গোপন কোনো কথাবার্তা চলমান থাকতে পারে বা আমানতের সম্পর্ক থাকতে পারে। এখন ওই লোকের মাঝখানে বসে পড়ার কারণে তাদের জন্য বিষয়টি কঠিন হয়ে যাবে।”^{১৩}

২. গোপন আলোচনার ক্ষেত্রে উপবিষ্ট লোকের অনুভূতির প্রতি লক্ষ রাখা

ইসলাম একই মজলিশে দুজন পৃথক হয়ে অন্যজনকে ছেড়ে গোপন আলাপ করতে বারণ করেছে। যদিও এই আলোচনা কোনো কল্যাণকর বা নেক বিষয়ে হয়ে থাকে; কারণ, এতে তাদের সাথে যে লোকটিকে শরিক করা হয়নি, তাকে চিন্তায় ফেলে দেওয়া হয়। সে ধারণা করতে পারে যে, তারা দুজন তার এমন কোনো বিষয়ে আলোচনা করছে, যা আলোচনা করা তার পছন্দনীয় নয়। আব্দুল্লাহ বিন মাসউদ رضي الله عنه থেকে বর্ণিত, রাসূল صلى الله عليه وسلم বলেছেন :

إِذَا كُنْتُمْ ثَلَاثَةً فَلَا يَتَنَاجَى اثْنَانِ دُونَ الْآخَرِ، حَتَّى تَحْتَلِطُوا
بِالْكَأْسِ مِنْ أَجْلِ أَنْ يُحْزِنَهُ

‘যখন তোমরা তিনজন (একত্র) হও, তখন দুজন ব্যক্তি অপর একজনকে বাদ দিয়ে চুপিচুপি কথা বলবে না, যে

১৩. আওনুল মাবুদ : ১৩/১৩৩।

পর্যন্ত না অন্য ব্যক্তিদের সঙ্গে মিশে যাও; এ কারণে যে, তাহলে তাকে দুর্ভাবনায় ফেলে দেবে।”^{১৪}

ইমাম নববি رحمته বলেন, ‘এই নিষেধাজ্ঞা হারামের নিষেধাজ্ঞা। সুতরাং দলের কোনো সদস্যকে বাদ দিয়ে অন্যদের চুপিসারে আলাপ হারাম; যদি না ওই সদস্য এর অনুমতি দেয়।’^{১৫}

ইবনে হাজার رحمته বলেন, ‘(حَتَّى تَخْتَلِطُوا بِاللَّائِسِ) “যে পর্যন্ত না অন্য ব্যক্তিদের সঙ্গে মিশে যাও;” অর্থাৎ এই তিনজন অন্যের সাথে মিলিত হয়। আর অন্য লোক একজনও হতে পারে অথবা একাধিকও হতে পারে। এ থেকে বোঝা যায় যে, যখন চারজন লোক একত্রিত হবে, তখন দুজনের গোপনে আলাপ নিষিদ্ধ নয়; কারণ, এখানে অন্য দুজনে গোপনে আলাপ করার সুযোগ রয়েছে। আর এটি ইমাম বুখারির আল-আদাবুল মুফরাদ কিতাবে উল্লেখ করা হয়েছে এবং ইমাম আবু দাউদও এটি স্পষ্ট ভাষায় উল্লেখ করেছেন। ইবনে উমর رحمته থেকে আবু সালেহ رحمته-এর সূত্রে ইবনে হিব্বান رحمته হাদিসটিকে সহিহ হিসেবে উল্লেখ করেছেন।

আবি সালেহ বলেন, “আমি বললাম, “যদি তারা চারজন হয়?” ইবনে উমর رحمته বললেন, “কোনো সমস্যা নেই।”

১৪. সহিছুল বুখারি : ৬২৯০, সহিছ মুসলিম : ২১৮৪।

১৫. শারহুন নববি আলা মুসলিম : ১৪/১৬৭।

আব্দুল্লাহ বিন দিনার ﷺ থেকে ইমাম মালিক ﷺ বর্ণনা করেন :

“ইবনে উমর ﷺ যখন কোনো লোকের সাথে গোপনে আলোচনা করতে চাইতেন এবং তাঁরা তিনজন থাকতেন, তখন চতুর্থ একজনকে ডেকে আনতেন। তারপর তাদের দুজনকে বলতেন, “তোমরা সামান্য আরাম করো; কারণ, আমি শুনেছি,...” তিনি হাদিসটি উল্লেখ করেন।”

(مِنْ أَجْلِ أَنْ يُحْزَنَهُ) “এ কারণে যে, তাহলে তাকে দুর্ভাবনায় ফেলে দেবে।” তিনি বলেছেন, তাকে দুর্ভাবনায় ফেলে দেবে। কারণ, সে ধারণা করবে যে, তাদের দুজনের গোপন আলাপ তার ব্যাপারে মন্দ কোনো বিষয়ে অথবা তার প্রতি বিদ্বেষবশত তাকে এড়িয়ে কথা বলা হচ্ছে।

এথেকে বোঝা যায় যে, যখন গোপন আলাপকারী আলাপের জন্য বিশেষ কাউকে নির্দিষ্ট করে নিলে অন্যরা দুশ্চিন্তায় পড়ে যাবে, তখন তা থেকে বিরত থাকতে হবে। তবে যদি দ্বীনি জরুরি কোনো বিষয়ে হয়, তাহলে ভিন্ন কথা।

ইমাম মাজারি ﷺ ও তার মতো আরও অনেকে বলেছেন, “একজনকে বাদ দিয়ে দুজনের কথা বলা বা একদল লোকের কথা বলার মাঝে কোনো পার্থক্য নেই।” ইমাম কুরতুবি ﷺ আরও বাড়িয়ে বলেন, “বরং একজনকে বাদ দিয়ে আরও বেশি সংখ্যক লোকের গোপন আলাপ আরও বেশি কঠিন ও ভয়ানক। সুতরাং এখানে নিষিদ্ধের বিষয়টি

আরও উত্তমভাবে প্রযোজ্য হবে। তবে হাদিসে তিনজনের আলোচনা করা হয়েছে; কারণ, সর্বপ্রথম যে সংখ্যার মাঝে উক্ত অর্থটি (দুর্ভাবনায় পড়া) পাওয়া যাবে, সেটি হলো তিন। সুতরাং যেখানেই এই অর্থ পাওয়া যাবে, সেখানেই হুকুম প্রয়োগ হবে।”

ইবনে বাত্তাল رحمته বলেন, “একজনকে বাদ দিয়ে বাকিদের আলোচনার দল যতই বৃদ্ধি পাবে, পেরেশানির বিষয়টি তত বেশি হবে এবং তোহমতের উপস্থিতি থাকবে। সুতরাং এখানে আরও উত্তমভাবে হারামের বিষয়টি সংযুক্ত হবে।”^{১৬}

ইমাম খাত্তাবি رحمته বলেন, ‘(তার ধারণার কারণে) সেটি তাকে দুর্ভাবনায় ফেলে দেবে। আর এটি তাকে বাদ দিয়ে অন্যকে সম্মানের সাথে বিশেষায়িত করার কারণে হবে।’^{১৭}

রিয়াজুস সালিহিন এবং ইবনে আলানের ব্যাখ্যাগ্রন্থে উল্লেখ আছে, ‘প্রয়োজন ছাড়া বিনা অনুমতিতে তৃতীয়জনকে ছেড়ে দুজনের গোপন আলাপ নিষিদ্ধসংক্রান্ত অধ্যায়। অবশ্য যদি প্রয়োজন থাকে, তাহলে ক্ষমা পাবে। কারণ, তখন তাদের দুজনের ধারণা অনুযায়ী অকল্যাণের ওপর কল্যাণকে প্রাধান্য দেওয়া হবে। তাদের দুজনের ভিন্ন ভাষায় কথা বলা—যা তৃতীয়জন বোঝে না—এটাও গোপন আলাপের অন্তর্ভুক্ত হবে।’^{১৮}

১৬. ফাতহুল বারি : ১১/৮৬।

১৭. মাআলিমুস সুনান : ৪/১১৭ (ঈশ্বৎ পরিবর্তিত)।

১৮. শারহু ইবনি আলান : ৮/৯৫।